

# Powšitkowne WOZJEWJENJA

njedźelu, 8. septembra 2019

## Młodostni měli so za jězbje přizjewić

Dekanatne dušepastyrstwo za młodžinu přeprašuje na zhromadnu jězbu z busom k wulkemu zetkanju młodžiny biskopstwa sobotu, 14. septembra, do Wechselburga. Wotjědu w 7.15 hodž. z busom z Hornjeho Wujězda a so něhdže we 18 hodž. wróca. Jězba je darmotna. Tež za wulět dekanatneje młodžiny njedźelu, 15. septembra, móža so zajimcy hišće hač do pónđzele, 9. septembra, w Don Boskowym domje we Worklecach přizjewić, za wobě wuprawje najlěpje z mailku na adresu don.boskowy-dom@t-online.de.

## Zdžela jónkrótny přistup

We wobłuku Dnja wotewrjeneho pomnika tutu njedźelu, 8. decembra, su tež wjacore cyrkwinske zarjadnišća w Serbach přistupne. Tak budu Budyska tachantska cyrkej wot 14 do 17 hodž., tachantska pokładownja pak hižo wot 10 do 17 hodž., Smochčanski Dom biskopa Bena wot 14 do 17 hodž. a z wodženjomaj w 14 a 15 hodž., awtodróhowa cyrkej w Hornim Wujězde cyły dzeń a w 15 hodž. z wodženjom přistupne. Wuwzačnje tutón dzeń je sotrownja w Małym Wjelkowje wot 13 do 18 hodž. přistupna. Link na kartu z přehladom dalších wotewrjenych pomnikow je pod [www.posol.de](http://www.posol.de) podaty.

## Nuncius přińdže do Ralbic

Bamžowy wulkopóslanc w Němskej, japoštołski nuncius arcybiskop Nikola Eterović, přińdže wutoru, 10. septembra, do Ralbic. W 9 hodž. budže wón Božu mšu swjećić, na kotrejž so mjez druhim honorarowy konsul Chorwatskeje dr. Peter Neumann wobdžěli. Zwonka toho wobdžěli so z Chorwatskeje pochadžacy arcybiskop Eterović, kotryž so tež za Serbow zajimuje, na zhromadžiznje w Koćinje. Poprawom by wón Božu mšu w Kulowskej wosadneje cyrkwi swjećił, hdžež je jeho krajan Jan Šadovic pochowany. Dokelž pak tam tuchwilu twarja, budu kemše, na kotrejž su wšitcy přeprašeni, w Ralbicach.

## Zhromadny dzeń za 1. a 2. lětnik

Džěci 1. a 2. lětnika su sobotu, 28. septembra, wot 9 do 15 hodž. do Don Boskowneho domu we Worklecach přeprašene. Zajimcy njech so prošu hač do wutory, 24. septembra, pod Džěci we Worklecach přizjewja, telefonowe čisło (03 57 96) 88 707. Za wudawki dnja zběra so wot kóždého wobdžělnika přinošk, kotryž wučinja štyri eura.

## Jězba za 5. a 6. lětnik do Naumburga

Džěci 5. a 6. lětnika su wot pónđzele do štwórtka, 14. do 17. oktobra, na jězbu do Naumburga prašene. Wot kóždého wobdžělnika zběra so přinošk we wysokosći 80 euro. Zajimcy njech so prošu hač do wutory, 24. septembra, pod Džěci we Worklečanskim Don Boskowym domje přizjewja, telefonowe čisło (03 57 96) 88 707. Jězbu zarjaduje dekanatne dušepastyrstwo za džěci.

## **Modlenje wo duchowne powołanja**

W klóštrje Marijinej hwězdze w Pančicach-Kukowje wotměje so wot soboty do nje-dzele, 21. do 22. septembra, modlerske zetkanje. Pod heslom „Prošće knjeza žni, zo by dželačerjow na swoje žně pósłał“ (Lk 10,2b) su wšitcy k tomu přeprašeni, Boha wo duchowne powołanja w Drježdžansko-Mišnjanskim biskopstwje prosyć. Biskop Heinrich Timmerevers přeprašuje po lońšim zahajenskim zetkanju we Wechselburgu tónkróć do klóštra we Łužicy. Zetkanje zahaji so sobotu we 18 hodž. z modlenjom kompleta. Tomu přizamknje so modlerska nóc.

Njedzelu budu po konwentnej Božej mši, kotraž zahaji so w 9 hodž., workshopy a druge zarjadowanja. Čas móže so tež k wzajomnej wuměnje nazhonjenjow wužić. Swjedženski akt modlerskeho zetkanja z biskopom Timmereversom zahaji so w 14.30 hodž. w klóšterskej cyrkwi. Zetkanje zakónči so w 17.30 hodž. z nyšporom. Wobšěrniše informacije su na internetowej stronje [www.netzwerk-gebet.de](http://www.netzwerk-gebet.de) podate.

## **Nyšpor z požohnowanjom zapřahow**

Towarstwo Cyrila a Metoda z.t. přeprašuje tež lětsa na wosebity nyšpor domchowanki z požohnowanjom konjacych zapřahow. Tutón budže njedzelu, 29. septembra, w 14.00 hodž. w Chróscicach na łuce při Hatkach. Wšitcy wěriwi su wutrobnje přeprašeni.

## **Pytaja serbskej kublarce**

Kulowska katolska wosada pyta za swój džěcacy dom ze 140 džěćimi we wosom skupinach dvě kublarce abo kublarjow. Witaja jara, bychu-li ći, kotřiž so požadaja, nabožnopedagogiske wukubłanje abo přirunujomnu kwalifikaciju měli a serbsce móhli. Wobšěrne wupisanje je pod [www.posol.de](http://www.posol.de) wozjewjene.

## **Caritas pyta hladanskeho nawodu**

Hornjołužiski zwjazk Carity z.t. pyta za swoju socialnu staciju Budyšin-Kamjenc kaž tež za dom Carity w Kamjencu noweho hladanskeho a regionalneho nawodu – muža abo žonu. Wobšěrne wupisanje je pod [www.posol.de](http://www.posol.de) podate.

## **Seminar ke kreatiwnosći a spiritualiće**

„Zrawić – čłowjek so stać“ rěka titul seminara, kotryž wotměje so wot pjatka do nje-dzele, 13. do 15. septembra, w Smochčanskim Domje biskopa Bena. Při tym dze wo to, sej „nutřkowne swěty“ wotkryć, kotrež móža so ze swójskej kreatiwnosću, molowanjom wobrazow a symbolow zwuraznić. Kurs nawjedujetaj farar dr. Hans-Konrad Harmansa, kotryž je hewak nawoda eksercicijow a duchowny přewodźer, a Maren-Magdalena Sorger, duchowna přewodźerka a terapeutka za molowanje a wuhotowanje. Zajimcy měli so pak pod [www.benno-haus.de](http://www.benno-haus.de), z přez e-mail na adresu [referent@benno-haus.de](mailto:referent@benno-haus.de) abo telefonisce w Smochčicach pod čisłom (03 59 35) 2 23 17 přizjewić. Tam zhonja nadrobnosće.

## **Dny rozpominanja ze swjatym różowcom**

Modlerske zhromadženstwo swjateho różowca (Rosenkranz-Sühnekreuzzug) pře-wjedže wot pjatka do njedzele, 27. do 29. septembra, w Smochčanskim Domje biskopa Bena dny rozpominanja. Tute nawjedujetaj franciskanski pater Benno Mikocki pod temu „Njejsym wšak žiwy ja, ale žiwy je we mni Chrystus“ a farar Stefan Thiel pod temu „Hiob a Salomonowa Pěseň pěnjow“. Zajimcy měli so pisomnje pola Rosenkranz-Sühnekreuzzug, Franziskanerplatz 4, A - 1010 Wien, telefonowe čisło w Awstriskej (0043 1 ) 5 12 69 36 abo z mailku pod adresu [zent@rsk-ma.at](mailto:zent@rsk-ma.at) přizjewić.